



Inissiani attartortittakkani ineqarnermut tapiissutit pillugit Inatsisartut inatsisaata allanngortinnera pillugu Inatsisartut inatsisissaattut siunnersuut.

(Isumaginninnermut, Suliffeqarnermut Nunamullu Namminermt Naalakkersuisoq)

Siullermeenera:

Ininik attartornermi ineqarnermut tapit pillugit Inatsisartut Inatsisaata allanngortinneqarnissaannut inatsisartut aalajangiiffigisassaattut siunnersuut Isumaginninnermut, Suliffeqarnermut Nunamullu Namminermt Naalakkersuisup saqqummiusnaanut qutsavigalugu imatut Naleqqamiit inatsisissatut siunnersuut oqaaseqarfigissavarput.

Utoqqalinersiaqarnej aamma siusinaartumik utoqqalinersiaqarnej pillugit Inatsisartut inatsisaata allanngortinneqarnerannut nr. 9, 20. juni 2022-meersukkut, 1. juli 2022-mi atuutilersinneqartoq, utoqqalinersiat toqqammavusut aamma siusinaartumik pensionisiat qaffasinnerpaat qaffanneqarnerisigut, utoqqalinersiaqartunut aningaasatigut tigorianaanaat annertunerulissasut 1. Juli 2022 atuutilernissaat Naleqqamiit atuutilereersimanissaat Naleqqamiit sukataarutiguarsimagatigu nalunekarunnaarnikuuvoq.

Utoqqalinersiat taamatullu siusinaartumik utoqqalinersianik qaffaaneq alloriarnertut siullertut taamanikkut taavarput ukiakkut Aningaasamut inatsisissamut suliarineqarnera ilutigalugu. Tamatullu akit aningaasallut nalinganut annikilliartortarneranut nalimmassarnejqassasoq siunnerfiit ilagaat akit qaffakkiartorneranni aningaasallu naleruukkiartornerani pisissutaasinnaanera annikilliartortannginniassammat aaqqiissuunneqartussanngorlugu suliaassissutaavoq. Naalakkersuisullu tamanna suliarisimanagu inissittoqarmat aaqqiisoqartussanngorlugu 118 kr.-inik ikinnerusunik pisarsimanerannik, ilaatigut tamanna kinguneqarsimavoq, taakkulu amigaataasut sinneruttut 118 kr.-nit akilerneqartarnissaat pillugu, naalakkersuisoqarfimmit kommuninut nalunaarutigineqarpoq. taamaaliortoqarmallu, qulaani nalunaarummut inatsisinik tunngavigisamut apeqqut pillugu oqaaseqaatitalinnik, kommuniniit arlalinnik saaffiginnissuteqartoqarsimavoq. Tamannalu, 1. juli 2022-miit kingumut sunniuteqartillugit, utoqqalinersiatut aamma siusinaartumik pensionisiatut pisartagassatut annertussusiliussat, toqqaannartumik inatsimmi erseqqissumik aamma eqqortumik ersitsillugit aatsaat suliarineqarput taannalu immikkoortoq 42-mi inatsisitigut aaqqiiffiginissaa ippassaq Inatsisartuni suliarivarput Teknikkut taamatut aaqqiinerup takutiinnarpaa suliap uani maanakkut suliarinera assut tukattumik aammalu pimoorunneqaranilusooq isigineqarluni suliaanera assut ilungersunartutut Naleqqamiit isigiinnarnatigu sakkortusinnaasartumik uparuartuiffigisarsimagatigu aammalu paasiuminaatillutigu sooq pingaartillugu suliaq torersumik sukkanerusumillu suliariniarneqannginnera paasisinnaanngilluinnaratigu aali atoqqartagut ulluinnarni inuunerminni



pisariaqartilluinnarmassuk aaqqiiffiginiartussaallugu siunnerfigigipput taamaammatt Naleqqamiit tupigusuutigisaqaarput pimoorunneqannginnerat utoqqarnut pitsanngorsaataasussat.

Maannakullu suliarisassanngorlugu Utoqqalinersiaqarneq pillugu Inatsisartut inatsisaat aamma siusinaartumik utoqqalinersiat pillugit Inatsisartut inatsisaat allanngortinnerisa kingulliup atuutilersup 1. juli 2022-miit 31. december 2022-mut ukiumut 74.652 kr-it angullugit annertussuseqalernerat, inatsimmik aluannginerup tungaanut 1. januaari 2022- mi akigititanut naleqqiullugu qaffaaneq 9.000 kr-it (kaajall. nr. 294, 6. december 2021- meersumi § 5, imm. 1, nr. 1 naleqqiullugu Utoqqalinersiaqarneq pillugu Inatsisartut inatsisaata allanngortinnera suliaavoq, tassalu utoqqalinersiat toqqammaviumik aningaasartaat ulloq 1. januar 2023 aallarnerfigalugu ukiumut 76.369 kr-it angullugit annertussuseqalerput (Utoqqalinersiaqarneq pillugu Inatsisartut inatsisaata allanngortinnera aamma Siusinaartumik pensionisiat pillugit Inatsisartut inatsisaata allanngortinnera pillugit Inatsisartut inatsisaat nr. 42, xx. xxxx 2023-meersumi § 1 aamma takuuk §3). Tassa imaappoq, 2023-mut qaffaaneq 1.717 kr-iuvoq, qaammammut 143 kr.

Utoqqalinersiaqarneq pillugu Inatsisartut inatsisaat nr. 20, 23. november 2015-imeersumi § 11, imm. 1 kingusinnerusukkullu allannguutit naapertorlugit 2024-mut siumullu aningaasartat ukiumoortumik iluarsineqartalertussaapput inatsit aqqinnerani

Inatsimmik allannginerup taassuma kinguneraa siusinaartumik utoqqalinersiat qaffasinnerpaat piffissami 1. juli 2022-miit 31. december 2022-mut ukiumut 126.951 kr-it angullugit annertussuseqalernerat, tassalu qaffaaneq ukiumut 5.660 kr-iuvoq tassalu qaffaat qaammammut 471,67 -iuluni akileraarut suli peernagu, kisitsit ilivitsunngorlugu 470 kr.-imut aqqinneqarsimalluni atuulluni tunniunneqartartussanngornikuulluni manna inissisimalerpoq.

Tamatuma kingorna siusinaartumik pensionisiat qaffasinnerpaat aningaasartaat ulloq 1. Januar 2023 aallarnerfigalugu ukiumut 129.870 kr-it angullugit annertussuseqalerput taamaasilluni 2023-mut qaffaaneq 2.919 kr-iuvoq.

Siusinaartumik pensionisiat pillugit Inatsisartut inatsisaat nr. 40, 9. december 2015-imeersumi § 18, imm. 1, oqaaseqatigiit siulliit kingusinnerusukkullu allannguutit naapertorlugit 2024-mut siumullu aningaasartat ukiumoortumik iluarsineqartarnissaat taamaasilluni inatsisitigut qulakkeerneqartussanngorluni.

Naleqqamiit maluginiarparput utoqqalinersiat siusinaartumillu utoqqalinersiat aningaasartaannik qaffaanerit assigiimmik amerlassusilersorneqaratik maanna suliarineqartut, aningaasartai procentinngorluguluunniit eqqarsaatigalugu, inatsimmik allannginermi utoqqalinersiat siusinaartumillu utoqqalinersiat aningaasartai assigiinngisitaassapput erseqqissumillu utoqqalinersianut siusinaartumillu utoqqalinersiat qaffasinnerpaanut tunngassuteqarlutik, pisunut tamanut aqqissuussaaput Periaaserlu atorneqartoq qiviaraanni unaavoq, utoqqalinersiat aningaasartaasa ulloq 1. januar 2022 aallarnerfigalugu (65.652 kr-it) aamma 1. juli 2022-mi (74.652 kr-it) atuuttut akornanni assigiinngissutaat, tak. ineqarnermut tapiissutit pillugit inatsimmi § 5, imm. 1, naggataani, ilan-



ngaassutip aningaasartaanik (4.000 kr-it) ilallugit iluarsineqassasut tusarniaanermi aallaaviusimapput, Sermersuup kommuniatalu uparuaanera ilutigalugu aatsaat tamanna 4.100 kr-imut aaqqinnersimavoq, taamaasilluni inernera tassaaleruni, piffissami 1. juli 2022-miit 31. december 2022-mut ilanngaataasusaaq 13.100 kr-iulerluni. Periaatsip assinga 2023-mut ulloq 1. januar 2023 aallarnerfigalugu atuuttumi ilanngaassutip aningaasartaanut tunngaviussaaq. Utoqqalinersiat aningaasartaasa ulloq 1. juli 2022 aallarnerfigalugu (74.652 kr-it) aamma 1. januar 2023 (76.369 kr-it) atuuttut akornanni assigiinngissutaat ilanngaassutip aningaasartaanik piffissap siuliani atuuttumik, 1. juli 2022- miit 31. december 2022-mut (13.100 kr-inik) ilaneqassapput. Tassa imaappoq, 76.369 kr-iniit 74.652 kr-inik ilanngariarlugit 13.100 kr-inik ilaneqassasut atuarsinnaavarput. Taamaatullu aaqqissuussinerup inernera 14.817 kr-iussaaq. Periaatsip assinga 2024-mut siumullu atornerqassaaq.

Siusinaartumik utoqqalinersiarqartut qaffasinnerpaanut aningaasartaasa ulloq 1. juli 2022-mi (126.951 kr-it) aamma 1. januar 2023 (129.870 kr-it) atuuttut akornanni assigiinngissutaat ilanngaassutip aningaasartaanik piffissap siuliani atuuttut, 1. juli 2022-miit 31. december 2022-mut (9.760 kr-inik) ilaneqassasut atuarsinnaasagut naapertorlugit periaarseq utoqqalinersianut tunngasoq assinganik suliarinerani inernerilerneqarnera taamaasilluni 129.870 kr-iniit 126.951 kr-inik ilanngariarlugit 9.760 kr-inik ilaneqassapput. Taamaalilluni inernera 12.679 kr-iussanngorluni. Periaatsip assinga 2024-mut siumullu taamaasilluni aamma atornerqalissasoq saqqummiunneqarluni.

Taamatut utoqqalinersiat aammalu siusinaartumik utoqqalinersiaqartut qaffaatissaanik aaqqiinerit utoqqarnut ineqarnermut tapiutaanut innarliisut aaqqissuuteqqinnerat qangali pisimasussaagaluartoq maannakkut kiisami aaqqiiffigineqarmat Naleqqamiit oqaannassaagut “KIISAMI”

Taamatullu oqareerluta aaqqissuussinerit naatsorsorneri aallaavigalugit qaffaanerirt pisartakkat anertussusaasa tamakkiisumik pisartagaqartut aallaavigalugit kisinneqarsimasut eqqarsaatigalugit ilassutaasussat utoqqarnut annikinnerusumik pisaqartaqartunut qanoq inissisimanersut ataatsimiititaliami sukumiisumik suliarineqassasut qulaajaaffigalugillu Naleqqamiit kaammattuutigissavarput.

Taamatut oqaaseqarluta iloqarutariinnermut peqqissutsimullu ataatsimiititaliami sukumiisumik suliarneqarnissaanik kaammattuilluta aappassaaniinnginnerani ingerlatseqqipparput.